

DUCE DEO TRIUNO  
DISCURSUS PNEUMATICUS,  
**SCIENTIAM DEI**  
**AD DUCTUM LUMINIS**  
NATURÆ EXHIBENS,

quem

DIVINO ADFULGENTE FAVOR E  
Cum Consensu & Approbatione Am-  
plissimæ FAC. PHIL.

In Regiâ nostra Academia

PRÆSIDE

Præclarissimo ac Amplissimo Viro

**M. DAVIDE EBBDI**  
Phil. Professore celeberrimo, Præce-  
ptore ac Promotore reverenter co-  
lendo.

PRO GRADU MAGISTERII  
& ejus privilegiis


sobrie philosophantium publico examini  
modeste defere

**GABRIEL THAUVONIUS,**  
Reg. Stip.

In Auditorio Maximo,

Ad diem Febr. anni M. DC. LXXXVIII.

ABOÆ, Exc. apud JOH. WALLIUM, A.T.



*In*

DISPUTATIONEM INAUGURALEM  
Viri Juvenis

*Peregrinii & Politissimi*

DN. GABRIELIS THAUVONII,  
Philosophiae Candidati præstantissimi,  
amici & commilitis perdilecti:



Uge decus juvenum *Pimplai*  
gloria ruris  
Thauvoni, patrio fax ori-  
tura solo;  
Te celebrant Charites, lau-  
dant doctæq; Camænæ.

Pieridum montes; *Pindus* & *Hemus* amant  
Qui vigili cura Musacum nectar ad Auram  
Imbiberas clarum collibus *Aonia*.  
Ceu roseo Titan splendescens surgit in axe:  
In terris fertur sic tua fama magis.  
*Castaides* nectunt victricem fronde corollam,  
Aptant mox capiti laurea ferta tuo,  
Thauvonicâ Gabriel docta de stirpe create,  
Perge inter doctos nomen habere viros.

*Properanter sed affectu prolixo  
adclamabat*

JACOB FLACHSENIUS

VIRO JUVENI

Et natalium splendore eximio & literarum  
inclita gloria apprime conspicuo,  
**DN. GABRIELI THAUVONIO,**  
Philosophiae Candidato dignissimo; Amico &  
commiliti enixe adamando:

**GABRIEL THAUVONIUS**

Per Anagr:

LETHO NUGIS AU VIBRA

**S**ive quis Annorum longam seriem nu-  
merare  
Sit portis, aut rapida morte pereuntus  
obit.

Non tamen evitare potest durissima tela  
Faci, sed LETHO concidit atq; perit.

Quisquis amat mundi sordes immundiciasq;  
Concilio nugis ducitur & levibus

Desipit Au vecors, caelesti voce potenti

Vapulat & multis, servus ut ille malus Luc,  
Tu quicunq; cales vera Virtutis amore, 12. 48.

Discupis & superas, letus inire, domos;  
Perpetuo Fides solida Pietatis & Hastam

Constanter VIBRA, Miles ut intrepidus.

Thauvonio nostro Divina scientia cordi, est,  
Tractat eam siquidem prompte & arte vigil.

Ausibus iecirco tantis, debetur opima

Laus, simul & mortis nescia, fama, decui.  
L. Mq; quamvis properatim gratabat

**SIMON ZOEPO/**  
Met. & Log. Prof. Ord

Ad

*Pereximum & Doctissimum*

VIRUM JUVENFM,

DN. GABRIELEM THAUVONIUM,  
Pro Grādu in Philosophiâ summo so-  
lide disputantem, affinem dile-  
ctissimum,

GRATULATIO.



Um eò jam, summa Numinis al-  
tissimi bonitas, & cæpta tua &  
studia, optime *Thauvoni*, prove-  
vixerit, ut ex illis, cum documen-  
tum diligentia, cum honoris titulum, veluti  
mercedem capias, cuius rei indiciam dispu-  
tatio tua est *Gradualis*, qvæ ultimum pro-  
pemodum est *Candidatorum exercitium*; tem-  
perare mihi nequeo, qvin cæteris gratanti-  
um vocibus aliquid addam, Tibique fausta  
apprecer qvævis. Et initio qvidem occasio-  
nem temet prædicandi, offert mihi, quod ele-  
gisti argumentum: Singulare quippe est, acuto  
homine dignum, proposito tuo apprime con-  
veniens & non frequentibus prelis manibus-  
que tritum. Quid enim nobilius Deo, sive  
eius scientiâ, quæ ceu cætera in illo attribu-  
ta, ab eo non diversa? Hujus certe con-  
templatio animis instillat id, nihil cœlesti

Redeo

Rectori esse occultum ; sed planum quodvis,  
sive jam prætergressum , sive præsens , sive  
futurum sit planeque contingens ; hujus me-  
ditatio modum legentibus sicut , quo Deus  
seipsum & res extra se alias cognoscit , nem-  
pè non discursu , non repræsentatione spe-  
cierum , non consultatione , quam ipsi assigna-  
re ejusdem est impietatis quam plurali-  
tas Deitatis , ut censet Scaliger , sed intuitu  
simplici persemper ipsum : Hujus ventila-  
tio denique suggerit , oriri hinc spem vel  
metum in pectoribus hominum , prout  
scilicet quisque in illis factum suum concipit.  
Utile ergo & bono dignum simul hic vires  
peticitari , hic ingenium experiri , cum copi-  
osum post se trahat fructum . Deinde nec  
hoc à scopo abludit evo ; Ad sacra qvippe a-  
nimatum applicuisti , iam à multis retro annis ;  
homini vero tali quid hoc conveniens magis ?  
Ut enim cæteris inculcabit , omnia videre ,  
omnia scire Deum , ipse in hujus rei jugi  
meditatione præprimitis occupabitur , ut sic  
primum se compescat , postea majori cum e-  
molumento alios ordinet & instituat . Præ-  
terea & illud addendum , rarum esse tractatu ;  
nec enim , quantum memini , nuperis tem-  
poribus è Cathedra ventilatio eius resonavit .  
Qvò enim quid est subtilius , eo difficilius  
suscipitur . Laudo eapropter in hoc consili-

um tuum; simul & laudo vigilias pertinaces, quibus rem eo deduxisti, ut studia tua non sint cassa, sed multis profectibus clarent, multo acumine abundant; mihique gratulor in sinu, quod de illis iam fructum honoris; moxque una frugem census, in honestum vitæ sustentamen decereas, & decerpturus sis. Certe ex eo luctum habuisti, quod in medio studiorum, optimum immitti fato amisisti, parentem; certe nec modicum impedimentum; Verum agnosce contra Dei bonitatē benedicendo enim cæptis tuis, orbitatis malum sublevavit, damna multo fœnore resarcivit. Immobile enim stat illud Davidicum: Nunquam vidi derelictum justum, nec semen ejus mendicare panem. Ego vero pro necessitatis inter nos vinculo, felix certamen in opere tuo Academicō afferendo; faustos progressus ad honores; faciles ad officia aditus; tandem læta inter Cælices jubila, Tibi vero & sincere exopto! Vale.

Ameris & debiti officiis ergo  
transmissa à

JACOBO EUNDI  
P. Biernoenste



Nne Deus posset rationis somite  
nesci,

Subdubit ant multi. cœca quod  
ipsa sicut,

Neve invisibilis capere hic indagine curta;

Nam superabit eam, Numinis Esse queat;  
Sed mora nulla tamen (res est non para quod  
urgent;

Thauvonius nostri portio clara chori  
Scire Deum monstrat naturæ viututibus atq;

Lumine connato, quod dedit ipse Deus,  
Mentibus humanis circa primordia vita,

Temporis ingressu quod mage conspicuum  
Evadit, nostrosq; animos penetrabilis intrat,  
Cum ratio exseruit munia celsa sua.

Hoc methodo facilis quia docte digerit ille,

Exponitq; suis singula qd eq; locis,  
Abfiso, panceis at gratulabor amico,

Valde commendans sedulitatis opus,  
Materia in vasta, diffusa, hand omnibus una

Quod voluit præstans edere nunc specimen  
Ingenii, cuius complures antea fœtus,

Vidimus egregios, hos manet altus honos;  
Quocirca rutilam gestabit rite corollam,

Quâ parat alma cobors, turba novena dabit  
Evolet insigni merito illum laude Magistri,

Eximiis itidem connumerando viris.

ANDREAS HENRICIUS

**A**valoyias quandam inter Macrocosmum & Microcosmum intercedere non immerito dicitur. Eo ipso enim ac summo Numini placuit, universum hoc mirabili quadam rerum varietate instructum Theatrum, ad tenorem aeternae sue sapientiae fabricare; mox in insigne ornamentum ac emolumentum opificii sui, quod produxit affectabile, vastum, amplissimum ac speciosum satis, introduxit luminaria illa magna, que spargunt radios, illuminant mundum. Hisce vero peractis voluit hominem imaginis sue clarissimum exemplar, ex infinita sua scientia, non solum mirifice creare, verum etiam praे aliis creaturis nobilissimum efformare. Quem pariter duebus luminibus, que nomine luminis gratiae ac luminis naturæ venire solent, sapienter instruxit. Illud ut ex verbo Dei revelato habemus; ita hoc, quod post miserabilem illam tragediam adhuc manet reliquum, à primis annis est cuig, impressum, implantatum, insculptum, Et sicut sol una cum luna, cui mutuat lucem, magnum nobis præstat usum ita nos horum ope dum in nobis splendent, es

unum alteri quasi auxiliatrices præbet manus, per venimus ad tantam dignitatem, ut possimus nobis de consortio Dei, & cognitione rerum divinarum summopere gratulari. Agnoscendum quidem lumen naturæ in ordine ad revelatum non posse dici perfectum; tamen prout ex naturalibus provenit principiis, vocatur scientia a qua ex illis haurimus. Theologia Naturalis in quantum nos de rebus Deum concernentibus informant. Non sane negandum, quin conclusiones Deum pro objecto habentes, possint revelatione scripture sufficienter probari. Rationem tamen suis instructam adminiculis in his optime posse occupari, ita ut egregie queat, non solum de æterna Dei existentia, verum etiam de ipsius infinita scientia &c. aliquid judicare, quis est qui ibit inficias? Hæc ita posse fieri, in praesenti discursu de scientia Dei ipse expertus sum, quem cordatorum benigne censuræ nunc submittere animus est. Fateor ingensue inter spem & metum ut ajunt hæsisce animum, de hoc argumento cum aliquid mecum pensitare incepimus. Hanc, materie maiestas, rerum in ea pondera, & objecti sublimitas, effecerunt. De illa vero ut me certum redder

redderem, non tantum jucunditas verum etiam utilitas, quæ ex hujus consideratione redundant, fuere mibi persuasores. Sufflamine preterea in hoc themate voluit conatus meos, partim ejus gravitas cum & doctissimos defatigaverit, partim subsidiorum inopia. Ipsa etiam valetudo adversa, quæ me ad hæc tempora vehementer afflixit, non minimo fuit obstaculo. Cum tamen more solito ad mandatum Ampl. facult. phil. mibi disputandum sit pro consuetis honoribus Academicis; recuperata valetudine, aggressus sum secundum vires ingenii, hujus elaborationem argumenti: juxta illud. Præstat ire tenus, & experiri quid valeant humeri quidve ferrere recusent. Spero itaque benevolum ac cordatum LECTOREM cuiusvis fortis laborem meum in meliorem partem interpretaturum. Illos vero qui solent aliorum exercitia, si alias antiquum obtinenter convitiis maculare, hic magno contemptu spen- nendo existimo. Sint, ut ipsi clamitat, fætus illorum illustres, sint ipsi in uno quoque studii generè incomparabiles. Ego tamen non hic quæro vanam gloriam, ostentationem omnem pariter à me removeo, operam dando modestiæ, quod certo sciam superbos spiritus tandem ex alto daturos se præcipites, Vale,

TH. I

**N**re alias subtili solent quidam in hoc incumbere ut imprimis ostendant vocis originem, æquivocationes ac æquivalentiam, ante quam ab his generalibus ad specialem tractationem animum applicent: quæ quidem est sententia Scaligeri dicentis: *Est à nominis origine rei natura saxe manifesta.* Ante omnia quidem videtur necessaria æquivocationis evolutio, quâ omissa, facile quisq; in errores poterit incidere, juxta illud: *Errorum genetrix est æquivocatio semper.* Verum ut ut sit materia circa quam occupamur gravis ac ardua, de hoc tamen possumus gloriari, quod non adeo difficile sit hujus scire Etymologiam, descendit enim ut cuique notum à verbo scio. Nec præterea tam multis laborat æquivocationibus, idcirco illas consulto quasi, omittimus. Notandum tamen breviter scientiam illam de qua in præsenti agimus, non venire pro cognitio-

gnitione Dei naturali cordibus omnium hominum naturaliter infixā. Nostrum est institutum rimari quantum possumus, scientiam Dei prout est attributū illius positivum, & uno actu simplissimo omnia cognoscit. Pro Synonymis scientiæ in Deo poterit usurpari intellectus Dei, cognitio, item intellectio, quæ à parte Dei non differunt, ut in reliquis Entibus, sed propter summam ipius simplicitatem coincidunt.

### THESIS. II.

Nunc quoniam forte videtur aliquibus, scientiam Dei esse luminis revelati, & rationi plane incognitam & obscuram, exigit à nobis necessitas rei ut inquiramus in veritatem hujus Qvæstionis: *An detur scientia Dei? Et an de ea aliquid possimus scire lumine naturæ vel rationibus Philosophicis?* Qvorum utrumq; nos tanto majori jure affirmam⁹, quanto graviora rationum involvit pondera. Qvamvis non inficias eamus thema hoc ob suam sanctitatem Nobilitatem ac excellentiam etiam pertinere ad fo-

rum Theologicum; nos tamen de sci-  
entia Dei non disputamus in sensu &  
sub formali Theologico, quatenus ex  
divina revelatione probatur, & fidem  
gignit divinam; sed tantum subsistimus  
in sensu & formali Philosophico & pneu-  
matico, prout probari potest ex na-  
turali principio, & fidem gignit tantum  
humanam. Existimamus itaq; scienti-  
am Dei lumine naturæ aliqua ex parte  
cognosci posse. Qvum hoc maneat ratū  
& firmū, quod Deus lumine naturæ pos-  
sit parte ut ut minimâ intelligi. Quip-  
pe tota hæc mundi structura, nihil a-  
liud est quam evidentissimum docu-  
mentum, & quasi liber omnium ocul-  
is expositus, ex quo, de Dei T. O. M. in-  
comprehensibili sapientia ac scientia,  
poterit ferre judicium qualecunq; do-  
ctus ac indoctus Græcus ac Barbarus,  
Indus ac Ægyptius. Ex creaturarum  
contemplatione sane pervenimus tan-  
quam per scalam in Dei cognitionem  
quæ omnes testantur ac inclamat: Est  
Deus. Si itaq; lumine naturæ possu-  
mus

mus ascendere ad benedicti Numinis confusam cognitionem , sequitur hinc attributa non pauca quæ Deo tribuuntur, & consequenter, scientiam Dei æq; lumine naturæ cognoscibilem esse, ac ipsam Dei essentiā cum existentia conjunctam. Ordine vero nunc ostendere omnia attributa rationibus è Philosophia petitis , non videtur operæ pretium, nec nostri est instituti illa omnia rimari. Tantum quod mihi incumbit probabo.

### THES. III.

Id vero antequam fiat, notandum est, quod in attributis & perfectionibus divinis demonstrandis quâ ex lumine naturæ fieri potest, duplice soleant uti demonstrationis genere. Unum vocatur immediatum, & fluit ex primo Dei conceptu, nimirum independentia. Alterum mediatum, quod mediante alio ex primo Dei conceptu illato, venit, estq; nobis quasi habilis & idonea via in inferendis aliis. Sic ex independentia immediatè potest inferri infinitas, & infinitas

iterum potest assumi, tanquam principium vel medium quoddam quo infinitam perfectionem probatum imus. Nam ut Deus est independens ita etiam indeficiens in essentia, & quicquid habet indeficientem Essentiam illud omnino est perfectum. Possumus, id probare de Deo, E. Major constat ex ratione formalis perfectionis quæ est indefectio. Ethinc possumus concludere Dei omnipotentiam, æternitatem &c. Nos vero quando probamus Deo competere scientiam, utimur hic non tam demonstratione immediata quam mediata, tribuendo imprimis Deo vitam non mutabilem, accidentalem vel Physicam, sed immutabilem, perfectissimam & intentionalem, quod attributum fluit ex divinis illis, & ex primo Dei conceptu illatis perfectionibus. Deum autem vivere nemo hominum negare potest, cum id testetur universus Theologorum etiam naturalium ac Philosophorum chorus, quod etiam clare ostendunt firmissimæ rationes naturales.

curales. Nam novit quisq; Deum esse substantiam, substantiam autem esse viventem vel non viventem. Concedendum etiam hoc quod substantia vivens vita præsertim intellectuali, sit longe dignior & perfectior, re non vivente. Cum vero Deus sit Ens perfectissimum impium est, illi id tribuere, quod est ignobilius inferius ac imperfectius. Qvia omnis perfectio in gradu supremo competit Deo. Præterea etiam arguit vitam ipsius spiritualitas. Si vero Deus est vivens quod jam est ostensum, non potest alio modo vivere nisi per intellectum vel scientiam quæ à nobis concipitur una cum voluntate tanquam gradus vitae. Et inculcabimus nobis etiam hoc ex occasione, quod intellectus & voluntas non differant realiter à Deo, sive ut existunt à parte rei in illo sed quoad *sensum identicum* sunt unum in Deo, nam ita se habet res cum his ac cum cæteris attributis divinis, quæ nec ab *Essentia Dei* nec inter se invicem differunt realiter, com-

munis est tam Theologorum quam  
Philosophorum sententia, quamvis quo  
ad sensum *formalem* & distinctione ra  
tionis ratiocinatæ differant, quatenus  
intellectus & voluntas cum reliquis at  
tributis Dei, per illos inadæquatos con  
ceptus qui formantur de illo, à nobis di  
stingvuntur, cuius fundamentū desumi  
mus ex variis effectibus ab una virtute  
divina profectis. THES. IV.

Probamus itaque Dei scientiam quia  
vivit uti modo indigativi. Et si alia vi  
tæ ratio Deo tribueretur, quam illa  
quæ est per intellectum, tum summa  
imperfectio ipsi imputaretur. Constat e  
tiam Scientia Dei ex inspectione totius  
hujus universi, cuius conditor non po  
terit aliud esse nisi sit naturæ summa scien  
tia, operis enim artificiū quanto est nobis  
lius tanto etiā magis in artifice laudabi  
sapientiā. Deinde manifesta evadit asser  
tic nostra ex hoc: Homo habet in se intel  
lectū, quē non potest aliud habere nisi  
Deo, ergo impossibile est eum posse desti  
tuī scientia, qui ali os illā ornaverat, prae  
supponi

supponimus idcirco in illo scientiam  
non solum *eminenter & virtualiter*, sed  
etiam *formaliter & secundum propriam*  
*Entitatem*, non tamen *subjectivam*, ut  
in creaturis, quippe sicut illa proprie est  
in creaturis, ita magis in ipso Deo. Col-  
ligit præterea ratio hanc scientiam, ex  
*perfectionibus* Dei, ille enim est summum  
& perfectissimum Ens, & in illo pari-  
ter sunt omnes *perfectiones*, erit ergo  
in summo gradu intelligens, sciens &  
cognoscens. Nec tacet scientiam Dei  
hoc quod dirigat omnia ad certum fi-  
nem, quod non solum scriptura nobis  
dictitat: verum etiam Philosophi di-  
centes omnia à primo ente moveri  
non negato principio interno, & ad  
certos fines dirigi. Si itaq; ita omnia or-  
dinat necessum est ipsū nosse omnia. Re-  
ste hac de re differit Rada art: i. Con:29.  
quem Rlootz allegat p:665. hunc in modū.  
Cernimus animalia rationis expertia, imo  
& omnes res naturales sensu & cogitatione ca-  
rētes, debito modo fines suos expetere, aut igitur  
à se propositos, & prestitutos aut ab alio à quo ad  
fines

fines proprios diriguntur, non à se; siquidem  
præfigere & proponere sibi finem naturæ est  
non solum cognoscens, sed etiam intelligentis:  
ergo expetunt fines sibi ab alio propo-  
fitos, sc: à natura intelligente resq; ad suos  
fines dirigente. Unde illud vulgare dictum  
ortum habuit. Opus naturæ opus esse in-  
telligentie. Ex quo fit, ut universa rerum  
naturalium ad proprios fines ordinatio, in  
artem primi agentis conferatur, quod fieri  
nequiret, nisi Deus per cognitionem ac in-  
tellectum iis ordinem ac fines præstitueret.  
Ratio præterea infert Deo convenire  
scientiam ex ipsius spiritualitate. De-  
us enim est Spiritus, Ergo etiam est  
sciens; qvis vero ausit negare Deum  
esse spiritum, quia illi competit genui-  
na spiritus descriptio, nimirum est sub-  
stantia ratione Essentiæ ac existentiæ  
immaterialis: At Deus est talis sub-  
stantia immaterialis ergo etiam est spi-  
ritus. Minorem iterum possum pro-  
bare ab opposito si enim Deus non es  
immaterialis erit materialis. Hæc ve-  
ro non possunt simul consistere. Quod

si eum dicas materialem, erit quantus & corporeus quod absurdum. Erit Ergo immaterialis & sic etiam spiritus, si hoc, utiq; est sciens, ratio consequentiæ iterum probanda. Quia spiritus ut sic est intellectualis. Evidet pariter scientiam haïc, *Dei vita simplicitas.* Vita enim Dei ut dicit Meijer, est contemplativa, quatenus perfectissime per simplicissimam omnium rerum contemplationem omnia intueretur Ergo etiam habebit intellectum.

### THESIS V.

Qvod scientia de qua loquimur adhuc lumine naturæ possit cognosci, apparet ab Ethnicis & extra Ecclesiæ pomœria constitutis hominibus, tribuentibus Deo scientiam. Cuius rei plurima possunt haberi exempla: Sufficiat vero nunc hoc tantum in medium proferre, quod pie satis de Deorum veneratione meditatur *Seneca* in Epistola sua ad *Lucilium*: non enim solum existentiam, sed & præsentiam & scientiam serio inculcatam voluit: hunc in modum

modū differēdo: Prope est à te Deus, tecum est  
 intus est: ita dico Lucilii, sacer intra nos spiritus  
 sedet malorum bonorumq; nostrorum obſervator  
**G**uestis: hic prout à nobis tractatus est, ita  
 nos ipſe tractat: Bonus vir ſine Deo ne-  
 mo eſt. An potest aliquis ſupra fortunam  
 niſi ab illo adjutus reſurgere! ille dat con-  
 ſilia magnifica & erecta. Addit & robur  
 noſtræ aſſertioni, quod adhuc ulteri-  
 us de eadem voluerit diſſererē. Epift:  
 81. Sic certe vivendum eſt tanquam in con-  
 ſpectu vivamus; ſic cogitandum tanquam  
 aliquis in pectus intimum inſpicere poſſit:  
 Et potest. Quid enim prodeſt ab homine a-  
 liquid eſſe ſecreto, nihil Deo clauſum eſt, in-  
 tereft animis noſtris, & cogitationibus me-  
 diis intervenit. Ne præterea videar de-  
 ſtitui rationibus ē libro revelationis  
 petitis, potest etiam ex abundanti ad  
 noſtrum ſcopum exinde probari ſcien-  
 tia Dei. Rationes vero ut ſunt pau-  
 ciſſimæ, ita ſalva auctoritate, & cum  
 pace ſupremæ facultatis illas allaturus  
 ſum. Egregiè ſatis appetet ſcientia  
 divina Psal: 146. 16. Non eſt investigatio in-  
 telligens-

telligentia illius, Est apud illum profunditas, sapientia & cognitionis. Rom.ii:33. Alibi vocatur Deus scientiarum. 1. Sam: II: 13. Fines mundi intuetur & omnia quæ sub cœlo sunt, respicit. Job. 28: 24. Solus novit corda omnium filiorum hominum. 1. Reg. 7: 59. Intelligit cogitationes à longe. Ps. 149. 1. Ex his itaque quæ jam dicta sunt, puto satis constare, tam scientiam in Deo dari, quam etiam lumine naturæ posse cognosci, & consequenter etiam juste annumerari inter objecta Philosophica. Hoc ut jam à nobis est probatum: ita tutius & feliciori pede in reliquis breviter possumus progredi.

### THESIS VI.

Recta igitur via tendimus nunc ad definitionem scientiæ Dei, ut à Philosophis solet describi, quas quidem non tam varias reperire contingit quā in re convenientes. Nervose satis & prolixè illam definit Klootz hunc in modum. *Intellectus est Essentiale Dei attributum, per quod omnia & singula vere sine ullo errore aut mutabilitate, propriæ*

uno eterno & simplicissimo actu simul perfectissime , evidentissime & distinctissime in sua Essentia introspicit & à priori exactissime scit & intelligit, nihil unquam ignorans, nihil more humano successive cognoscens vel addiscens nihilve obliviscens. Fere eundem in modum etiam definit Mejerus. Hac vero utitur definitione Rudrauffius. *Intellectus vel intelligentia Dei est ipsa essentia Dei concepta per modum actus vitalis in objectum intelligibilem tendentis , & quia infinita est ad omne objectum relata, dicitur omniscientia.* Quamvis has descriptio-nes etiam non sine encomio & laude admittamus ; tamen hanc sequentem in nostris scholis decantatam partim brevitas, partim perspicuitas certatim commendant, quam & nos nunc amplectimur. *Scientia est attributum Dei positivum, juxta quod is omnia cognoscibilis uno simplicissimo actu cognoscit.* Notanter dicitur quod sit attributum Dei positivum, hoc est, scientia Dei est ipsa essentia , ejus a parte rei: id enim evin cit summa Dei simplicitas, quæ omnem in Deo

in Deo compositionem exulare jubet, juxta illud: *Nihil est in Deo, quod non sit ipse Deus.* Egregie discurrit de hac re Scheiblerus. *Intellectio inquit divina est idem quod Essentia divina.* Ita patet quia ab intellectione ut visum est Deus dicitur formaliter intellectualis. *Esse autem intellectual est quidditativum sive Essentialis Dei attributum, quasi per modum differentiae Deum constituens.* In nulla autem re differentia potest aliquid esse realiter distinctum à suo differentiato. Ergo id à fortiori erit in Deo, Non solum quia ille aliis rebus simplicior est, sed etiam quia intellectualitas illa rigorosè dicta & à parte rei differentia non est.

### THESIS VII.

Nunc notandum est hoc, quod scientia non est in Deo per modum potentiae accidentalis, ut sit quasi in actu primo, sine omni actu secundo. Ratio est, quia potentia habet se ad suum actum ut efficiens illius, quod si procederet, tum intellectio esset opus potentiae intellectualis & sic intellectio esset aliquid productum ab Essentia Dei, adeoque dependens, quod

statuere plane absurdum. Nam intellectio Dei realiter idem est cum Deo ut superius demonstratum. Et repugnat etiam Deo agnoscere superiorem causam, quia is solum, est independens. Nec præterea est scientia in Deo ratione rei per modum habitus concipienda. Habitus enim crebris actionibus comparantur, Deus vero uno actu omnia cognoscit simplicissimo modo. Dicimus & hoc, quod habitus tendant ad facilitandam & juvandam naturalem potentiam: potentia vero in Deo intellectiva nulla est sive itaq; hic intelligamus habitus acquisitos sive infusos, de Deo removemus, utriq; enim sunt qualitas vel accidens potentiae vel Essentiae superadditum, infinitae Essentiae repugnans. Dico adhuc: Scientia Dei non est in illo ut accidens; quia res ipsa non est distincta ab essentia. Idcirco consistit formale scientiae Dei in actu purissimo & simplicissimo, sive essentia divina cognoscente omnia. Hinc fluit porisma: *Intellectus in Deo non placet qualitas, aut potentia aut habitus intelligitur*.

*gendi essentia divine accedens.* Dixi, cognoscente omnia. Nam essentia quidem Divina est à parte rei de ratione formalis scientiæ vel cognitionis Dei. Nos tamen propter imbecillitatem intellectus nostri, quia illi ratio formalis non videtur solum subsistere in conceptu illo absolute Essentiæ, sed aliquid etiam ei addit ratione distinctum, in quo nos etiam formalitatem scientiæ ponimus, quod est *cognoscitivum*. Ratio enim nostra non poterit alio modo apprehendere intellectum divinum nisi duabus utatur conceptibus primo concipit Essentiam Dei, quia vero in illa nudè & præcisè intellecta non dum potest assequiri rationem scientiæ in Deo, statim necessum habet ratio investigare illud quod repræsentare possit Essentiam in esse intellectus & hoc nihil aliud est quam *τὸ cōgnoscitivum*. Hoc vero ex nostro conceptu videtur, quia si sit Essentiæ divinæ superadditum, quod tamen à parte rei ita se non habet, sed plane cum Essentia divina identificatur.

## THES. VIII.

Occurrit nunc circa hoc argumentum de scientia Dei explicanda quæstio, qualis scilicet sit illa ipsa? Dum vero in hac occupamur, ut faciliora nobis evadant, ostendemus *a. positive*, qualis revere dici debeat. Est autem (*a*) *universalissima*. Qvia se extendit ad omnia objecta scibilia, sive præterita, sive præsenta, sive futura, sive sint facta; sive ficta, sive Entia, sive non Entia, possibilia & impossibilia etc. Non tamen ita dicitur a nobis scientia Dei universalissima, quasi solum habeat scientiam rerum communem, cum & cognoscat singulares res, in individuo & quidem comprehensivè & quidditative: hoc etenim exigit perfectio divinæ cognitionis. Idcirco corruit opinio & assertio illorum qui statuunt Deum cognoscere res creatas communi & generali modo, in quantum solum entia sunt, quod qui asserunt, magnam certe in Deo imperfectionem concipiunt. Ad hoc vero quod jam asserimus solent objicere, singula-

singularia esse numero infinita, & Angelorum animarumque immortalitatem in æternum, sese extendere: hinc concludunt cogitationes & actus istorum in infinitum multiplicari, infinitum vero esse numero incognoscibile. Verum Resp. Concedendo infinitum numero esse incognoscibile per intellectum creatum: sed negamus hoc de intellectu divino. Qvamvis numero infinitorum nullus est nostri respectu numerus; illi tamen non est imt possibile hæc omnia comprehendere, cuius scientia est infinita. Nam ut Deus per eminentiam scientiæ suæ omnes res intelligit: ita & infinitum numero comprehendit & intelligit. Nos vero qvia infinitum non possumus apprehendere, nisi partem unam intelligamus per alteram, ideo etiam infinitum numero est nobis incognoscibile. (β) Est scientia Dei *verissima, certa & infallibilis*; quia rem penetrat exactissimè: intuetur illam eo modo ac se habet, & hoc quidem comprehen-

five, quidditative & adæquate: quodvis objectum secundum omnia sua prædicata, ita exhaustiendo, ut nihil relinquit in eo scilicet objecto sibi incognitum. Dico, *comprehensive*: quia tum dicitur aliquid comprehendendi, quando *pervenitur* ad finem cognitio-nis ipsius, id est quando res cognoscitur ita perfecte ut cognoscibilis est. Non itaque est in scientia Dei fal-sitas in cognoscendo, quæ oritur ex imperfectione intellectus r̄em fal-sō cognoscentis, imo etiam ē rerum similitudine, quam una res habet cum alia: qua ratione ille errat qui auri-chalcum putat esse aurum. Venit in-super falsitas in cognoscendo ab opi-nione præconcepta; & hoc modo er-rat ille, qui idolum colit pro Deo ve-ro. Talis cognitio ut imbecillis, ita prorsus à Deo removenda, juxta di-cum Fulgentii: *Dei scientia nihil potest in se babere falsi, quia falsitas inesse veritati non potest.* (γ) *Est perfectissima hæc sci-entia, sicut enim Essentia Dei est perfe-c-tissima*

Etissima, ita & ejus scientia. Perfectissimo enim enti, debetur omnis perfectio in perfectissimo gradu & statu. Nullus hic potest esse defectus, nec ratione objecti quia intelligit omnia, nec ratione modi, quia illius cognoscendi modo, non datur excellentior aut nobilior. Et positis his, perfectissima ipsius scientia vocatur, tam *extensive* quam *intensive*, quos huc applicare possumus terminos ex analogia ad habitus & actus creatos, ut dicit Scheib. part. spec. Met. p. 128, Hinc etiam fit quod talis scientia appelletur sapientia; quæ est perfecta, nobilissima exactaque rerum cognitio, vel ut Cicero definit: *Rerum divinarum & humanarum, causarumque, quibus illa continetur cognitio.* & illa quidem perfectissima, quæ, quia in solum cadit Deum, solus Deus etiam sapiens dicitur. 1. Tim: 1: 17. Hinc etiam prius post se reliquit dictum Pythagoras dicens: solum Deum esse sapientem. **THESIS IX.**

Est ( $\delta$ ) scientia hæcce Dei simpli

cissima, respuens omnem compositionem; quæ imperfectionem involvit. Ut enim possumus probare Deum esse simplicem: ita nec de scientia ipsius simplicissima dubitandum. Vocatur simplicissima ipsius scientia dicit Rudr. non solum quia simplicissime & necessario nexu cum Deo cohæret, & à parte rei unum sunt, sed & inde, quia uno & simplicissimo intuitu omnia simul cognoscit. (ε) Est scientia Dei *immutabilis*. In rebus creatis, poterit scientia pati mutationes: interdum ratione scientiæ, ut habitus est, cum ea quæ antea ignorantur post sciuntur, aut contra; interdum ex parte scientiæ, ut est actus, cum transitus fit ab actu primo sciendi ad secundum & actu intelligim⁹ illa quæ antea nobis non erant nota; interdum ex parte modi sustinet scientia mutationes, cum clarius cognoscimus quæ antea intelligebantur confusè. Et tales mutationes sicut dicunt imperfectionem, in Deum cadere non possunt. Ipsius enim scientia omne decre-

decrementum, omnem variationem respuit, uno immutabili intuitu ex arce suæ æternitatis omnia secundum suum esse respiciendo. Qvippe qualis est Essentia Dei, talis etiam ipsius scientia, quæ in ipso unum sunt. Sed hic poterit aliquis objicere dicendo: scientiam Dei esse liberam & admittere mutationem, & conseqventer illam non esse immutabilem Dei Essentiam; Hoc vero supponunt de scientia Dei. Hinc concludunt scientiam Dei esse mutabilem quod est falso. Resp. limitando Majorem: quod est liberum simpliciter & in se quomodo ipsi essentiæ Dei contradistinxitur, illud tali modo non est Essentia Dei nec per conseqvens immutabilis; hocvero modo Essentiam Dei esse liberam quæ est propositio argumenti minor & admittere mutationes plane negamus. Scientia enim Dei non est libera in se & sua natura sed illa mutatio fit ratione terminationis & objecti Externi, Se ipsum autem dum quasi objectum scientiæ se nobis sifst, cognoscit necessario & immu-

tabiliter. Non itaque est concipienda à nobis ulla scientiæ libertas vel mutabilitas.. Nam e. g. etsi Deus sciat hunc vel illum , heri natum , hodie mortuum, quamvis cognoverit aliquem heri viventem, hodie vero eum non amplius novit viventem, sed ut denatum , mutatio tamen illa est ratione objecti, quod potest variari ac mutari, non vero Scientiæ Dei. Eadem est scientia, qua Deus ab æterno immutabiliter cognovit res omnes, Eâdem inquam, scientia videt Petrum heri natum & hodie mortuum. Egregie satis hanc rem exprimit *Satisburiensis*: *Deus inquit, localia sine loco, nascentia sine initio, decadentia sine fine, fluctuantia sine alteratione, temporalia sine mutatione & mora uniformiter comprehendit, ut nec praeterita transeant, nec futura succedant.*

### THESIS X.

Adhuc , dum in quæstione qualis sit scientia Dei versamur, dicturi erimus de ea 2 negative, sive qualis non sit.

Non

Non autem *est* i. *probabilis aut formidolosa*. Quippe probabilis illa cognitione est saepe conjuncta cum formidine assensus circa objectum, vel si non id, ponit tamen aliquam dubitationem & inevidentiam in cognoscente sic v. g. Probabilis est assertio illorum qui dicunt formas brutorum perire, & probabiliter de illis formis in utramque partem discurrunt; nam et si illas dicamus perire, vel non, neutrum tamen nequimus certo affirmare propter inevidentiam quam habemus circa rem illam: sic probabile etiam est Matrem diligere filios, cum in certum sit apud nos præcipue quoad matres in individuo, quas ignoramus an diligent vel non. In Deo autem nulla est incertitudo, quia illi certo constat an formæ pereant vel non, & quænam Matres diligent filios vel odio habent, ideoque in Deo hæ assertiones non sunt probabiles sed certissimæ 2. ut non est discursiva ita nec *compositiva*, qualis dicitur illa quæ progreditur ab uno cogni-

cognito ad mintis notum, Et hoc quidem successivè, illative, conclusivè, per partes, *sicut* nos ob imbecillitatem nostri intellectus, cogimur facere. Discursus alias solet dici continuus & discretus, ille est in syllogismo, ubi à notitia præmissarum deducimur in notitiam conclusionis, hic vero est, cum citra dependentiam unius ad aliam, unum post aliud cognoscimus: sic e.g. cognitis plantis, cognoscimus doctrinam de Metallis, uterque autem discursus cum sit cum successione notitiarum adeoque implicat pluralitatem cognitionum, & imperfectionibus variis obnoxius, Deo plane repugnat. Ipsius enim cognitio est simplicissima quæ unica est & perfectissima. Ideo Scalig: exerc. 365. 8. dicit. *Deus non discurrit, non ratiocinatur non proponit, non colligit, non cum alio confert, non ab ullo accipit.* Hic alius forsitan movet objectionem. Si Deus cognoscit ex causa effectum, quia causa & effectum Deum non latent, utique illius discursus est syllogisticus & consequen-

sequenter etiam demonstrativus. Resp.  
Concedendo quidem hoc quod Deus  
cognoscat causam & effectum, ast ne-  
gamus ipsum habere notitiam effecti  
ex causa & per causam, sed ita est  
comparatum cum ipsius scientia, ut in  
causa intueatur omnes ejus effectus,  
sine aliqua notitiarum dependentia.  
In illo itaq; non est discursus, qua di-  
scursus, vel in significatione illa rigo-  
rosa, quatenus est, cum notitiarum de-  
pendentia, & unum ex alio vel per a-  
liud cognoscimus. Adhuc ut res fiat  
clarior distingvimus inter *rem cognitam*  
*& modum cognoscendi*. Si loquimur de re  
cognita possumus quidem tribuere Deo  
hoc quod cognoscat per discursum, quia  
Deus novit modum nostræ cognitio-  
nis. Idcirco Deus cognoscit simpli-  
cia & complexa, id est propositiones  
vel syllogismos, quippe de his sunt  
nostræ intellectiones. Qvia igitur Deus  
cognoscit omnem intellectionem no-  
stram, cognoscit etiam omnis scientiæ  
nostræ objectum, et sic etiam syllo-  
gismum

gisum & propositionem. discursum itaque ut Deus cognoscit, ita & ipse illo utitur cum nobis aliquid revelat, vel in verbo suo intendit nobis persuadere, Talium vero discursuum copiam habemus satis in scriptura sacra. Si vero spectamus modum cognoscendi, dicimus: Deum nec per discursum, nec per compositionem, multo minus formando sibi propositiones cognoscere. Hoc vero non dicimus sine ratione, quia intellectus noster non fertur simul distincta intellectione in plura objecta, necessum igitur habet partiri intellectionem ad diversitatem intelligibiliū. Dum enim cognoscimus unum prædicatum non statim intuemur reliqua: sic v.g. intellectus noster alia cognitione animal alia risibilitatem apprehendit, illa prædicata post componit dicendo: Homo est risibilis &c: Hæc autem non procedunt de divina Essentia, quæ est perfectissima & simplicissima, quia is distinctissime omnia uno actu cognoscit.

## THESIS XI.

Non cognoscit Deus per species sed per Essentiam immediate, species enim intelligibiles quando aliquid perficiunt, notant imperfectionem, qvippe intellectus humanus recipiendo species intelligibiles patitur ab illis passione perfectiva, & ita intelligit per eas. Denique, necessum habet intellectus formare sibi species quando objectum non est præsens, nec potest in substantia potentiae cognoscitivæ fisti, quod oportet hoc vero dum non possit semper fieri, format sibi species & per ilias unit objectum quod est primum speciei intelligibilis officium: positis his faciunt species intelligibiles officium suum alterum, nimirum actuant determinant & deducunt intellectum ad cognoscendum hoc vel objectum illud qui alias ex se est indifferens neq; magis potest hoc quā illud cognoscere. Ast hoc modo Deus non cognoscit, quia intime est præsens omnibus rebus, nec opus habet, emendicare sibi species ab il-

ab illis, sed cognoscit per Essentiam suam immediate. Adeo ut Essentia divina sit illi instar speiciei intelligibilis, & facit hoc divino intellectu quod species intelligibiles nobis præstant. Et tantum sufficiat circa quæstionem qualis sit scientia Dei, notasse.

### THESES XII.

De objecto itaque scientiæ Divinæ vel circa quod versetur nunc opportunitum est dicere. Et sunt omnes res & omne scibile, increatum vel creatum, existens vel non existens bonum vel malum &c. quod doctrinæ ergo solent distinguere in Primarium, & secundarium. Primarium est ipse Deus & quod est in Deo intelligibile. Secundarium est omne id quod extra Deum est, & externum vocatur.

### THESES XIII.

Est itaque objectum scientiæ Dei i. ipsius *Essentia*. Manifestissimum enim est Deum seipsum cognoscere cum insignis sit imperfectio ignorare se ipsum, quæ de Deo non concipienda.

Patet

Patet vero hoc ulterius ab ipsa Entitate Dei. In Deo enim est Entitas, & omnis Entitas qua talis, est cognoscibilis. Et si intellectus humanus, Deum aliquomodo cognoscit. utiq<sup>z</sup> multo magis intellectus divinus cognoscit suam ipsius Entitatem. Nec ulla potest assignari causa, cur intellectus divinus seipsum non possit cognoscere; quippe omnia quæ in illo sunt se sufficienter habent. 2. inter objecta scientiæ Dei referuntur omnia *Entia creata actualia*. Quidam dicunt fuisse quosdam gentiles, qui existimarunt vilescere intellectum Dei si ad quasvis res creatas, præsertim vilissimas se extenderet. Difficilis videtur hac de re sententia Hieronymi in Habacuc Cap. I. *Absurdum est dicit, ad hoc deducere Dei Majestatem, ut sciat per momenta singula, quot nascantur pulices, quot us moriantur, quæ cornicum, pulicum, muscarum sit in terra multitudo, quot pisces in aqua patent* &c. Quæ sententia ne videatur impia in Deum, potest benigniori interpretatione conciliari, quia aliis in locis

locis referunt ipsum etiam pie & ca-  
ste sensisse de scientia Dei. Non itaq;  
*simpliciter* est intelligenda sententia Hie-  
ronymi, sed *comparative*, sicut dictum  
Pauli. *num quid de bobus cura est DEo*  
*i. Cor.. 9. i. e.* quod nontanta pro-  
videntia prospiciat rebus vilissimis, ac  
hominibus. Addimus ergo **robur** no-  
stræ sententiæ, confirmamusq; omnes  
res creatas in mundo esse objectum  
scientiæ divinæ. Qvod ulterius patet  
*ex voluntate*, Deus enim cognoscit vo-  
luntatem suam, ergo etiam cognoscit  
omnia quæ vult illa voluntate: probo  
hoc, quia voluntas adæquate non co-  
gnoscitur, nisi notitiam habeas actus  
& objecti illius. Declarat hoc etiam  
*ipsius providentia*, quæ sicut se extendi  
ad res omnes, ita etiam ejus scientia  
nam providentia non est sine notitia ve-  
cognitione. Accedit ad hoc quoq; di-  
ctum Hebr. 4. non estulla creatura in-  
visibilis in conspectu ejus. Argui-  
præterea hanc scientiam, *Dei perfe-*  
*ctio.* Perfectio enim est in artifice  
noſſe

nosse rationem operis à se producendi: imo necesse est præcognitionē præcedere operis productionem. Nihil quippe potest fieri ab agente rationali nisi sit præcognitum. Ergo etiam Deus qui est perfectissimus , habet cognitionem omnium operum à se productorum & producendorum. Egregie in hanc rem Scaliger. Primam intelligentiam facere ignaram earum rerum quarum author est , animi aut impii aut absurdī.

### THESIS XIII.

3. Inter objecta scientiæ divinæ etiam numeranda *præterita* , *præsentia* & *futura* etiam *contingenter talia*, de *præteritis* ac *præsentibus* non est aliquod dubium , de *futuris contingentibus* vero res est difficilior. Fatemur quidem nostram scientiam de illis rebus contingentibus esse lubricam & incertam ; sed aliter comparatum est , cum summi Numinis perfectissimâ cognitione. Ut enim est infinite perfectus, ita etiam in illo est infinita scientia , quæ se extendit

etiam ad futura contingentia. Ostendit  
hoc pariter purissima illius actualitas,  
si enim non haberet cognitionem re-  
rum futurarum contingentium, esset  
in potentia passiva ad cognoscendum  
eas, Deus vero nullam habet in se po-  
tentiam passivam, quia est actus puris-  
simus. Actu ergo eas cognoscit, non  
vero in sola causa sua & ejus dispositio-  
nibus. Nam si contingens cognosca-  
tur in sola sua causa & ejus dispositio-  
nibus, pareret tantum conjecturalem  
& incertam notitiam. Nam causa rei  
contingentis dum videtur esse in pro-  
xima dispositione, potest adhuc varia-  
re effectum propter interveniens im-  
pedimentum vel alternationem volun-  
tatis. Sic v.g. Si quis videt aliquem  
pergere ad Scholam, adventus tamen  
pueri ad Scholam non habetur ex certa  
scientia, sed solum per opinionem.  
Nam eo ipso ac vult pedem limini in-  
ferre, poterit aliud velle, indeq; rever-  
ti & alio tendere. Deus vero non so-  
lum

lum hoc modo novit, sed cognoscit etiam res contingentes in proprio suo esse quod habent in mundo. Nam ea est perfectio divinæ scientiæ ut à longe possit videre tanquam causa universalis entitatis, iisdem esse dando & concurrendo, quid unusquisq; sit ad normam recti operaturus & acturus, an aliquis mutet voluntatem suam vel non. Ut breviter exprimamus mentem nostram circa hanc rem, dicimus cognitionem rerum futurarum & contingentium, sub conditione hac vel illa, non vocari conditionalem ratione cognitionis divinæ, quasi conditionaliter illud futurum vel non futurum cognoscat, sed prorsus ratione objecti. Hic etiam esset occasio quærendi. An præscientia Dei rebus præscitis auferat omnem contingentiam & imponat necessitatem? Quod nos hic negamus. Verum ne mittamus falcem in Theologicam messem illum discursum non facimus nostrum.

## THESIS XV.

Referri potest 4.º etiam inter objēctum scientiæ divinæ omne *malum tam pœnæ quam culpæ*. Novit omnino mala pœnæ, iis quippe delinquentes castigat. Et si mala pœnæ ignoraret, nec sciret modum quo puniendi essent homines, quod de Deo cogitare impium. Novit etiam mala culpæ, tam quoad materiale, quam formale, verum novit notitia simplici, non approbationis. Cognoscuntur à Deo 5.º non Entia, sive sint in potentia sive à ratione humana excogitata. Omitto nunc varias acceptiones non Entis, & dico breviter Deum cognoscere Entia rationis ratiocinantis, non vero occupatur in illorum formatione, quia formare Entia rationis, arguit imperfectionem intelligendi. Ens enim rationis formatum tum, cum id statuitur esse Ens quod tamen non est, aut aliter ac est apprehenditur, de quibus prolixius Scheiblerus part. Special. Met. p. 120. Novit Deus Entia rationis, quæ à nobis con-

bis concipiuntur. Sic e. g. si aliquis cognosceret purgatorium, diceretq; illud esse Ens, tum novit statim Deus meos conceptus de purgatorio vel chymæra; si vero hoc, utiq; etiam novit ipsum prout est in conceptu, purgatorium, quod si non novisset quomodo sciret me aliquid de illo concipere? Cognitio enim est objecti repræsentatio, ut itaq; Deus novit cognitionem meam, ita nec potest cognitionis obiectum ipsum latere. Non itaq; sunt illi audiendi, qui dicunt Ens rationis à Deo non cognosci, quia quomodo cunq; dicatur cognoscere Ens rationis, sequitur eum fingere illa, & hoc faciendo Deum etiam cognoscere rem aliter, ac est, quare hoc etiam fictum vocandum, licet non primario, tamen secundario, quatenus scilicet est ex cogitatum ab intellectu hominis. Tali autem illatio non stat firmò talo, ne<sup>s</sup> procedit, quia aliud est co gnoscere Ens rationis per modum Entis, attribuendo illi veram ac realem Entita-

tem: Et aliud est cognoscere Ens per modum Entis rationis prout ab intellectu creato est fictum. aliud inquam est facere non Ens, & aliud cognoscere fictum & factum. Negandum itaq; est Deum res aliter cognoscere ac sunt. Nam ut se habent objecta, ita & illa cognoscit, positiva secundum Esse positivum, Negativa secundum negationem, realia secundum esse reale, Entia facta & rationis secundum esse fictum. Et quamvis Deus cognoscit modo divino & perfectissimo non tamen res cognoscuntur aliter ac sunt: Nam à diversitate modi cognoscendi, ad diversitatem objecti vel rei, non vallet argumentatio. Deniq; 6. objectum scientiae divinæ sunt, partim possibilia, quod patet exinde, quia cognoscit suam potentiam, illa vero se extendit ad omne possibile, ideoq; cognoscendo eam, cognoscit omnia possibilia, tanquam potentiae objecta. Probatur etiam hoc ab absurdo, si enim omnes res possibles à Deo non cognoscerentur,

scientia

scientia ejus perfectissima non esset,  
 quod est absurdum de Deo affirmare.  
 Partim etiam habet notitiam impossibilium, sicut enim Deus simplici intuitu cognoscit Entia realia & positiva, eo ipso etiam novit unum non esse aliud nec illud unquam fieri posse. Et dum cognoscit possibilia, cogitur se sistere negative in aliquo non possibili, alias omnia possibilia non nosceret vel si hoc, non tamen accuratè. Sic e. g. dum novit hominem esse possibilem, Eo ipso etiam cognoscit in ipso aliquid impossibile, quod est esse irrationalem. Eo ipso ac Deus cognoscit se solum infinitum, novit impossibilia esse plura infinita.

### THESIS XVI.

Postquam de objeçto aliqua signavimus, est è re ut explanemus quotuplex sit scientia divina. Quod antequam facimus, notandum est divisionem hanc esse nominalem tantum, & nullam ex parte rei, non inquit in se est divisibilis, quia scientia divina est

unica & simplicissima. Ratio tamen nostra, unicam hanc scientiam inadæquatis conceptibus formatis; pro diversitate objectorum ad quæ extenditur, necessum habet aliter & aliter despescere ac dividere; Nec judicabimus de scientia Dei secundum cognitionem nostram. Idcirco hic non locum habet distinctio. 1. in Confusam & distinctam. 2. in Adæquatam & inadæquatam, quia omnis scientia Dei est adæquata & distinctissima. 3. in perfectam & imperfectam, quarum distinct. semper alterum membrum si non utrumq; Deo repugnat. 4. Exulare hic etiam debet scientia à priori & posteriori. Illa dicitur Scientia *propter quid*, & est per causam, hæc vero scientia *quia*, appellatur, & est per effectum. Novit quidem Deus scientiam propter quid, & quia, illo modo cognoscendi tamen non utitur, quia insinuat discursum, qui Deo repugnat, sed effectum potius in causa cognoscit ut dictum superius. Si tamen benigna vo-

gnā volumus uti interpretatione, potest tolerari, si scientia Dei vocetur propter quid, non vero *positive sed negative*, prout prorsus removemus isto modo loquendi à Deo scientiam à posteriori. Et quatenus Deus simplicissima cognitione cognoscit, quis nam effectus his vel illis causis convenienter. Adhuc dum de scientia nostra est sermo habet interdum nomen Judicii, prævisionis, recordationis, fidei, opinionis & consultationis, quæ omnia in perfectione involvunt. Si tamen Termini ab omni imperfectione liberentur & purifcentur possunt etiam scientiæ Dei tribui, quod fit ἀνθρωπαθῶς, sed intelligendum θεοφεωῶς, ut loqui amant tam Theologi quam Philosophi.

### THESIS XVII.

Dividitur itaq; scientia Dei I, in simplicem & Approbationis, illa notat scientiam simpliciter & præcisè sine voluntatis actu, quâ simpliciter apprehendit & intuetur objectum, quare notitia nuda, pura & simplex vocatur. Et

catur. Et hāc notitia etiā cognoscit mala & omnia peccata quod testatur Psal. 23. Ubi dicitur Deus nosse cogitationes nostras vanas; Hāc vero notat cognitionem cum addito actu voluntatis & quidem approbativo. 2. dispescitur in scientiam visionis & simplicis intelligentiæ. Apparet quidem hāc distinctio aliquantū obscura, sed si prænotam<sup>9</sup> discrimen inter visum & intellectum nostrum, redditur ea facilior. Visus itaq;<sup>9</sup> cognoscit ea solum quæ certa præsentia & actualia sunt. Intellectus vero longius progreditur, non cognoscendo solum ea quæ præsentia sunt & præ sensibus versantur, sed se extendit etiam ad ea quæ futura sunt & planè quoq;<sup>9</sup> impossibilia. Scientia visionis Dei dicitur ita per Analogiam ad visum nostrum & occupatur circa ea quæ vel sunt, aut fuerunt ipsi præsentia aut etiam futura sunt. Hāc omnia sunt intellectui divino cognita. Non tamen scientia visionis eo sensu dicitur de Deo quasi aliqua cognoscat per sensum visus,

sus, visio enim ut sic dicta est actus materialis, quia est dependens à materia sive organo corporeo, quod est ipse oculus, idcirco & competit tantum rebus materialibus. Deus autem est Spiritus & materiæ expers. Scientia vero simplicis intelligentiæ est illa quæ versatur circa ea quæ nullo tempore habebunt esse actuale, qualia sunt impossibilia & fieri repugnantia. In hujus quidem distinctionis explicatione quidam variant, de qua nunc propter temporis angustias non erimus solliciti. Et interdum etiam media scientia huic interponitur. Illa media à non nullis ad scientiam visionis, & à quibusdam ad simplicis intelligentiæ trahitur, de qua nos nunc litem movere nolumus, hoc tamen dicimus ad ductum celeberrimorum Philosophorum, quod antiqui Scholastici dum voluerunt scientiam medium scientiæ visionis vel simplicis intelligentiæ includere, nulla mentione facta scientiæ mediæ, tum has voces sumpserunt in lata significatione

tione & sic etiam scientiam medium  
implicite sub iis comprehendenterunt.  
Scientia enim visionis si latè sumatur  
pro objecto poterit habere existentiam  
indifferenter: i. e. si respiciat futura  
quæcunq; absolute & actu quandoque  
futura vel sub conditione futura: & sic  
medium poterit complecti. Quam sen-  
tentiam fuisse vet. Theolog. docet Sva-  
retz. si vero scientia simplicis intelli-  
gentiæ sumitur pro ea qua tendit ad  
omne possibile, i. e. quæ nunquam fu-  
tura sunt: eo etiam poterit scientia me-  
dia referri. Sed poterit tamen distin-  
ctio salva manere & strictius accipi,  
mediæq; scientiæ contradistingui, præ-  
fertim propter objectum ut infra ulte-  
rius. Quidam etiam plane negant sci-  
entiam medium. Quandoque à qui-  
busdam scientia illa Dei dividitur in  
merè naturalem liberam & medium;  
Naturalis est quâ Deus ab æterno ante  
omne liberum decretum voluntatis co-  
gnovit res omnes, & vocatur Antece-  
dens. Libera est quâ post decretum  
suæ

suæ voluntatis absolute & determinate cognovit res futuras. Media vero scientia est illa qua Deus ab æterno cognovit non absolute sed ex hypothesi quid homines aut angeli facturi essent, si in tali vel tali statu cum his vel illis ponerentur circumstantiis. Ut E. g. si Judas pœnitentiam egisset & credidisset, salvatus fuisset. Inter alios hunc discursum egregie tangit Præclariss. Profess. Mag. Andreas Wanochius in suis Disquisi t pract.

### THESES XVIII.

Non immerito itaq, quærimus. An talis media scientia Dei detur? h. e. utrum Deus quarundam rerum scientiam habeat quæ futuræ essent sub conditione, sicut ante decretum suæ voluntatis tales novit eventus futuros, si tales vel tales causæ cum talibus conditionibus ponerentur. Hanc quæstiōnem nos cum Orthodoxis Theologis ac Philosophis affirmamus: quamvis quidam in malam partem hanc trahant assertionem. Concedunt quidem aliqui

aliqui in Deo dari scientiam medium,  
sed existimant requiri præcedaneum  
decretum Dei, h. e. putant futura con-  
ditionata ad futuritionem & non futu-  
ritionem indifferentia, non aliter quam  
per decretum divinum tanquam cau-  
sam **omnis futuritionis** in statum rei  
futuræ transfire. per decretum volun-  
tatis intelligunt absolutum prædeter-  
minativum quod actionem causæ se-  
cundæ præcedat eamq; determinet.  
Nos autem tale decretum quod deter-  
minare dicitur causam secundam ,  
quodq; dicitur causa **omnis futuritionis**,  
plane exulare facimus, quia illud ad-  
versatur scripturæ, sanæ rationi, liberæ  
nostræ voluntati & Sanctitati summi  
Numinis. Et dicimus Deum scientia  
media cognoscere futura conditionata,  
sine ullò præcedaneo decreto volunta-  
tem humanam determinante. Co-  
gnoscere inquam immediate in semet  
ipsis non mediatè per decretum divi-  
num. Admittimus tamen generale  
decretum concursus vel cooperationis  
dire-

directionis ordinationis & permissionis: quod conditio futuri effectus in se comprehendit. Ut si effectus esset producendus, causaq; secunda posita hac vel illa conditione, se ad agendum composuisset, etiam Deus suum decrevisset concursum: & sic habent quidem omnes actiones hominis, respectum ad decretum divinum, sed non eundem. Optima de his est sententia illorum qui dicunt: Si res illæ cum conditione futuræ quoad actum Entitativum tandem extitissent, non equidem essent alias nisi dependenter à decreto Divino, sed quia actus illi non futuri sunt, sed intra rationem futuribilitatis se continent etiam antecedaneus ille respectus ad decretum voluntatis cessat. Ne tamen aliquisquis dicat nos statuere futurum aliquod sine decreto Dei, diff. Inter futibile & futurum illud est ante, hoc post decretum, dicitq; respectum ad causam non tamen ut causam vel principium determinans.

D

THE-

## THESIS XIX.

Probamus itaq; hanc scientiam dari, quia si Deus novit omnia utiq; etiam futura conditionata, si non hoc, utique non esset immensæ & infinitæ scientiæ quod absurdum de illo affirmare. Deniq; ut novit purè possibilia & impossibilia nullo modo futura, utique etiam conditionatè futura, quæ si forent requiritur ad illa actio Dei cooperativa & dispositiva quæ Deum non fugiunt. Manifestum præterea evadit ex universali Dei providentia illam dari scientiam quia omne id quod cadit sub divinæ providentiam cadet etiam sub ejus scientiam: divinæ vero providentiæ subjacent omnia futura sive absoluta sive conditionata, Ergo. Ipsa natura quod dicitur nobis hanc scientiam dari. Nam dum sermo est inter homines conditionibus futuris. E.g. Si quæris an hic vel ille erit diu victurus: tum unus respondet: Hoc novit Deus. Diversa quoq; illa objecta quæ dantur & fuerunt in rerum natura, requirunt

mnnip

mminō ut statuamus hanc scientiam.  
 Nam naturalis vel simplicis intelligentiae objectum sunt res possibles sub ratione purae possibilitatis. Scientiae liberae seu visionis objectum sunt absolutae res quae sunt vel fuerunt & certo erunt. Mediæ autem Scientiae objectum sunt res pure possibles, nec absolutè futuræ verum cum conditione. Ut dictitat ratio scientiam medium ita & Script. Sacra. Sufficiat jam nobis produxisse exemplum Christi, qui plane sub conditione Tyriorum conversionem asseruit. Sic enim se habent verba Matth: 11. 21. Væ tibi Corazim, væ tibi Bethsaida, quoniam si in urbe Tyro & Sidonis factæ fuissent virtutes quæ factæ sunt in vobis, olim in sacco & cinere pœnitentiam egissent. Confirmant etiam hanc dicta Matth: 24: 22, Nisi abreviati fuissent dies illi, non salvaretur omnis caro. Luc: 16: 31. Si Mosen & Prophetas non audiunt, neque si quis ex mortuis resurrexerit, credent.

dent. Joh. 6: 15, Hæc & plurima alia reddunt nos certiores de scientia illa media.

## THESES. XX.

Quidam adversantur huic sententiæ dicendo hujus scientiæ partim deesse objectum, partim fundamentum, partim etiam Script: de iis contingentibus sæpe cum dubitatione loqui & sic sine certitudine. Resp. 1. Objectum scientiæ mediæ sunt futura conditio-  
nata. 2. Fundamentum hujus est tam ratio quam Scriptura ut demonstratum. 3. Qualis tamen sit dicenda sci-  
entia Dei, tum illa est perfectissima:  
falsum idcirco est dicere Deum sine certitudine de his loqui. Etsi verba  
dubitandi usurpantur in Sacris literis de scientia Dei, non tamen sunt incer-  
titudinis notæ respectu Dei, sed nostri  
ad indicandam humani arbitrii imbe-  
cillitatem. Essent & aliæ objectiones contra hanc scientiam Dei indigitandæ  
verum ut discursus est vexatissimus.  
ita etiam hæ pagellæ in illo deducen-  
do non

do non sufficiunt: cum & doctissimos  
ac celeberrimos defatigaverit. Vide-  
tur præterea spectare ad Theologiam,  
idcirco his, ex occasione quasi à nobis  
prolatis, sumus contenti. Ultimo ad-  
huc dividitur scientia Dei, in practicam  
& Speculativam. Hæc est quæ res  
nudè cognoscit, & in illa acquiescit,  
illa tendit ad operationem & conjun-  
ctam habet voluntatem. Et tantum  
de nobili hoc argumento dixisse suffi-  
ciat, quæ quidem ulteriorem merere-  
tur considerationem, sed vetat hoc  
temporis brevitas materiæ gravitas,  
suppellestiliumq; inopia. Ego autem  
pro viribus in hoc exercitio elaboran-  
do ex gratia ineffabili mihi concessis,  
laudes dicam Deo sempiternas.

*Tantum.*



Ad

Ad

VIRUM JUVENEM,

Humanissima Eruditione, & eruditissima hu-  
manitate splendidum,

Dn. GABRIELEM THAVONIUM,  
Philosophiae Candidatum dignissi-  
mum, Amicum atque affinem su-  
um savissimum, pro gradu Magi-  
gisterii egregie de scientia DEI  
differentem

GRATULATIO.

**E**n gravis est testis tua disserta-  
tio docta,  
Cultor quod fueris *Palladis*, atq;  
comes  
Strenuus *Aonidum*; tibi gratulor  
hincce THAVONI;  
De socio claro gratulor ipse mi-  
hi,

Variis negotiis distracti  
ISAACI EUND

VIRO JUVENI

Pereximio atq; doctissimo

DN. GABRIELI THAUVONIO,  
Sanioris Philosophiae Candidato di-  
gnissimo De scientia DEI pro gradu  
magisterii solide & feliciter disputanti  
Officij & gratitudinis hoc offere

TeXμηειον

HOMINI DIVINIORI ANIMO PREDITO QUEM E-  
TERNUS NATURÆ GENIUS TANQUAM ORBIS IN-  
GENS MIRACULUM, MUNDI INSIGNE, EPITOME, &  
UNIVERSI VELUTI ADMIRABILE COMPENDUM AD  
SANCTISSIMAM SUAM IMAGINEM CONDIDIT NEQUA-  
quam satis est, AETHEREI OCEANI LIMPIDAM &  
SPLENDERENTEM AURAM, FULGENTEM ISTUM RERUM  
SPLENDOREM, PALATIUM ASTRORUM VOLUPTUOSÍ-  
SIMUM, MOTUUMQ; SUBLUNARIIUM IMPERSCRUTA-  
BILE REGIMENT, CUM INEFFABILI SUA MAJESTATE,  
CUNCTORUMQ; CORPORUM IMMENSO APPARATU UT-  
POTE, ACTUOSO OPERUM INDUSTRIORUM MODERATO-  
RE, LAUDANDA HUMORUM DOMINÀ, FORMOSÍ-  
SIME

simo Dierum Solatio', & alijs spatii sideris  
amplissimis globis vastissimi istius corporis  
tanquam elegantissimo ornatu scrutari, nec  
generosa pectora in eo acquiescunt, dum mete-  
ororum innumeras classes orbis terrarum pul-  
cherrima ornamenta tam externam globi ter-  
raques jucundissimam faciem, quam amica  
fluminum fontiumq[ue] cum Ocedo clandestina  
commercia, in terrarum antris rerum occulta  
molimina, geneses metallorum, semina lapi-  
dum, acutiori judicio examinant. Nec Ve-  
getabilis naturae germina, insectorum & ani-  
malium diversitatem pulcherrimam eis con-  
templari sufficit, nec in admirabilis sue ipsius  
forma & strictura consideratione subsistunt;  
Sed solent insuper illustria ingenia in quibus  
complicata jacent cuncta rerū arcana ad ulte-  
riorem adhuc, veluti alii angelorū contuberna-  
les rei alicujus peruestigationē ascendere, dum  
non solum prestantiores istis rerum crea-  
rum formas, harmonicos concentus & natu-  
rarum prælia acriori judicio pervolvunt, sed  
& rerum omnium harum & singularum  
productorem Sapientissimum, Creatorem be-  
nignis-

nignissimum auctoremq; Sanctissimum debita  
veneratione cognoscere student, unde ad a-  
gnoscendum amandum colendumq; Sacratissi-  
mum mentis sempiternæ Numen pio animo  
consurgere discunt; Horum namq; generosa  
indole est Solertissimus noster Candidatus cu-  
jus quemadmodum fuit, magnos eruditio-  
nis sue producere labores, sic quoq; de nobilis-  
sima materia nescio quā nobilior De Sci-  
entia prout in Deo est Consummatam do-  
ctamq; conseripsit Disputationem quam jam  
jam publico modestorum examini modeste  
submitit, ad consequendum in Philosophia  
brabeuterium; quod merito ejus & literarum  
Splendor & morum summa integritas  
cum Doctorum benigniori applausu meruere  
Hoc enim Clariss: Dn. Candidate Excel-  
lens tua voluit indoles, hoc honestissimæ fa-  
miliæ postulavit dignitas; hoc singula amicorum  
expectarunt Vota, hoc desigq; & mea  
officiosa desideravit expectatio. Vale!

DANIEL HAGERT

Nyl.

E

Carmi-

Carmine condigne, Thauconi,  
themata docta

Hæc tua concelebrare jubet  
me pectoris ardor;

Sed mens est tenuis, sterilisque &  
curta supellex,

Quæ vetat in celeres calamum  
decurrere rivos.

Paucula nō temnas igitur mea car-  
mina, namq;

Est Amor insignis cordis diffusus  
in orbe,

Qui tua dona animi totis amplecti-  
tur ulnis,

Et tacitè secum gaudens erum-  
pit in ista:

Vive valeq; diu, sint tempora, fata  
secunda,

Sisq; Deo charus, Patriæ sis stella  
coruscans!

PETRUS P. ΣΩΡΒΩΣ  
Junior.

**Ad VIRUM JUVENEM**

Non minus suavitate morum, quam doris ac  
solida Eruditione conspicuum,

**GABRIELEM THAVONIUM,**  
Philosophiæ Candidatum meritissimum  
nunc pro gradu laudabili acumine  
de SCIENTIA DEI Disse-  
rentem.

**H**ec quæ pars hominum, quæ pars  
telluris aluminum,  
Per juga virtutis carpere tentat iter!  
Cernere vix liceat credo virtutis aman-  
tem,

Myriades inter quæ quot hic orbis alit;  
Nam tot perversos, pravos scelerumq;  
Magistros

Turpia sestantes, hæc mala secla ferūt;  
Ut vix tot decorent fulgentia sidera  
cælum, (solum.

Quot nunc obfuscant crima fœda  
Est igitur felix, est terq; quaterq; beatus,  
Quinon a vero iramite fecit iter;

Se-

Sedulo sed spernens mudi cōsortia prava,  
Virtuti genium destinat ipse suum.  
Huic deovisli iotum te clare Thavoni,  
Aenidum celebri perbene note choro;  
Fida comes fuit assiduo tibi candida  
virtus,

A teneris annis ungvicolisq; tuis  
Crimina fugisti, scelerum contagianum  
quam

Infames maculas affricuere tibi;  
Otia carpentem nō vidit mollia Phœbus,  
Invenit temet Cyntbia quando pigrū?  
Nunc igitur fertum tibi necere sudat  
Apollo,

Pallas mox crines cinget honore tuos.  
Interea vigeas, tibi fata secunda pro-  
pivent!

E cœlis mittat quæ tibi dextra Dei.

Non tam moris, quam debiti officii  
declarandi ergo hæc pauca tenui  
crena fudit

SEVERINUS RIISBERGH,

